

Prop. 32 S

(2012–2013)

Proposisjon til Stortinget (forslag til stortingsvedtak)

Endringer i statsbudsjettet 2012 under Fiskeri- og kystdepartementet

*Tilråding frå Fiskeri- og kystdepartementet 16. november 2012,
godkjend i statsråd same dagen.
(Regjeringa Stoltenberg II)*

1 Om endringer i statsbudsjettet for 2012 under Fiskeri- og kystdepartementet

Kap. 1020 Havforskningsinstituttet

Post 01 Driftsutgifter

For å dekkje erstatningsutbetaling til kreditorfellesskapet etter konkursen i Nærøysund AS, foreslår Fiskeri- og kystdepartementet å redusere løyvinga på kap. 1020, post 01 med 10 mill. kroner.

Post 21 Spesielle driftsutgifter

Ein del av dei kontraktfesta prosjekttinntektene til Havforskningsinstituttet blir innbetalte etterskotsvis, slik at noko av inntektene knytt til prosjektutgifter i budsjettåret blir innbetalte året etter. Det kan derfor bli for lite kontante inntekter til å dekkje meirutgifter i oppdragsverksemda i 2012. Fiskeri- og kystdepartementet foreslår derfor at det blir gitt fullmakt til å overskride løyvinga på kap. 1020 post 21 med eit beløp som tilsvarar kontraktfesta innbetalningar som vil skje i 2013, jf. forslag til romartalsvedtak.

Post 70 (ny) Erstatningsutbetaling

Det er inngått eit forlik som inneber at Staten v/ Fiskeri- og kystdepartementet skal betale ei erstatning til kreditorfellesskapet etter konkursen i Nærøysund AS. Avtalt utbetaling i 2012 er 10 mill. kroner. Fiskeri- og kystdepartementet foreslår derfor at det blir gitt ei løyving på 10 mill. kroner på kap. 1020, post 70 i 2012.

Kap. 1021 Drift av forskingsfartøy

Post 21 Spesielle driftsutgifter

Ein del av dei kontraktfesta prosjekttinntektene til Havforskningsinstituttet blir innbetalt etterskotsvis, slik at noko av inntektene knytt til prosjektutgifter i budsjettåret blir innbetalt året etter. Det kan derfor bli for lite kontante inntekter til å dekkje meirutgifter i oppdragsverksemda i 2012. Fiskeri- og kystdepartementet foreslår derfor at det blir gitt fullmakt til å overskride løyvinga på kap. 1021 post 21 med eit beløp som tilsvarar kontraktfesta innbetalningar som vil skje i 2013, jf. forslag til romartalsvedtak.

Kap. 1022 Nasjonalt institutt for ernærings- og sjømatforskning*Post 21 Spesielle driftsutgifter*

Ein del av dei kontraktfesta prosjekttinntektene til Nasjonalt institutt for ernærings- og sjømatforskning blir innbetalt etterskotsvis, slik at noko av inntektene knytt til prosjektutgifter i budsjettåret blir innbetalt året etter. Det kan derfor bli for lite kontante inntekter til å dekkje meirutgifter i oppdragsverksemda i 2012. Fiskeri- og kystdepartementet foreslår derfor at det blir gitt fullmakt til å overskride løyvinga på kap. 1022, post 21 med eit beløp som tilsvarar kontraktfesta innbetalningar som vil skje i 2013, jf. forslag til romartalsvedtak.

Kap. 1050 Diverse fiskeriformål*Post 72 Tilskot til tryggleiksoplæring for fiskarar*

Delar av tilskotet til tryggleiksoplæring for fiskarar blir utbetalt etter at rekneskapen ligg føre. For å kunne overføre den delen av tilskotet som ikkje blir utbetalt i 2012 til 2013, foreslår Fiskeri- og kystdepartementet at kap. 1050, post 72 får tilføya stikkordet "kan overførast".

Kap. 1070 Samfunnet Jan Mayen og Loran-C*Post 01 Driftsutgifter*

Det er berekna eit mindreforbruk knytt til systemkostnader for Loran-C i 2012. For å kunne overføre heile mindreforbruket på posten til 2013, foreslår Fiskeri- og kystdepartementet at kap. 1070, post 01 får tilføya stikkordet "kan overførast".

Kap. 2540 Stønad under arbeidsløyse til fiskarar og fangstmenn*Post 70 Tilskot*

Frå 1. juli 2011 vart arbeidsløysetrygd for fiskarar lagt om til å vere inntektsbasert, på same måte som alminneleg a-trygd etter folketrygdlova. Den nye ordninga har medført høgare utbetalningar enn det som er lagt til grunn i Prop. 1 S (2011–2012). Fiskeri- og kystdepartementet foreslår derfor at løyvinga på kap. 2540, post 70 blir auka med 18,2 mill. kroner.

Ordninga med A-trygd blir finansiert innafor beløpet som fiskarane betalar i produktavgift ved førstehandsomsetning av fisk og fiskevarar.

Kap. 5575 Sektoravgifter under Fiskeri- og kystdepartementet*Post 74 Sektoravgifter Kystverket*

Som følge av lønnskompensasjon på kap. 1062, post 01 på gebyrfinansierte område må kap. 5575, post 74 aukast med 13,1 mill. kroner.

Fiskeri- og kystdepartementet foreslår derfor å auke kap. 5575, post 74 med 13,1 mill. kroner i 2012.

Fiskeri- og kystdepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endringar i statsbudsjettet 2012 under Fiskeri- og kystdepartementet.

Vi HARALD, Noregs Konge,

s t a d f e s t e r :

Stortinget blir bede om å gjere vedtak om endringar i statsbudsjettet 2012 under Fiskeri- og kystdepartementet i samsvar med eit vedlagt forslag.

Forslag

til vedtak om endringer i statsbudsjettet 2012 under Fiskeri- og kystdepartementet

I

I statsbudsjettet for 2012 blir det gjort følgjande endringer:

Utgifter:

Kap	Post	Formål	Kroner
1020		Havforskningsinstituttet	
	1	Driftsutgifter, blir redusert frå 355 623 000 til 345 623 000	10 000 000
	70 (ny)	Erstatningsutbetalningar	10 000 000
2540		Stønad under arbeidsløyse til fiskarar og fangstmenn	
	70	Tilskot, <i>overslagsløyving</i> , blir auka frå 43 800 000 til 62 000 000	18 200 000

Inntekter:

Kap	Post	Formål	Kroner
5575		Sektoravgifter under Fiskeri- og kystdepartementet	
	74	Sektoravgifter Kystverket, blir auka frå 774 025 000 til 787 159 000	13 134 000

II

Tilføyning av stikkord

Stortinget samtykkjer i at stikkordet "kan overførast" blir tilføya under kap. 1050 Diverse fiskeriformål, post 72 Tilskot til tryggleiksopplæring for fiskarar og kap. 1070 Samfunnet Jan Mayen og Loran-C, post 01 Driftsutgifter, i statsbudsjettet for 2012.

III

Fullmakt til overskriding mot etterfølgjande inntekter

Stortinget samtykker i at Fiskeri- og kystdepartementet i 2012 kan overskride løyvinga under kap. 1020, post 21, kap. 1021, post 21 og kap. 1022, post 21 i samband med gjennomføringa av bestemte oppdragsprosjekt, mot tilsvarende kontraktfesta innbetalningar til desse prosjekta i 2013 under høvesvis kap. 4020, post 03, kap. 4021, post 01 og kap. 4022, post 01. Ved berekning av beløp som kan overførast til 2013 under dei nemnte utgiftsløyvingane, skal det reknast med alle ubrukte meirinntekter og mindreinntekter, samt eventuell inndeckning av tidlegare års overskriding på posten.

